



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

18508

ՅԱԿ. ԱՂԱԲԱԲ



ԳԻՅԻՆԵՆԻԱԿԱՆ

Դ Ա Ձ Ա Խ Ի

ԺԱՄԱՆԱԿԱԿՑ ՑԱԻԵՐԻՑ

ՄԱՍԿ ԱՌՈՋՅԻՆ

891.99

Ա-43

1907

321.33

այ.

19 AUG 2011

ETOS SO

Ա-43

ՅԱԿ. ԱՂԱԲԱԲ

24 JAN 2006

ԳԻՒՂԱԿԱՆ ՑԵՑԵՐ

ՂԱԶԱԽԻ

ԺԱՄԱՆԱԿԱԿԻՑ ՑԱԽԵՐԻՑ

ՄԱՍՆ ԱՌՈՋԻՆ



Թ Ի Ֆ Լ Ի Ս

ԷԼԵԲՐԱՅԱՐԺ ՏՊԱՐԱՆ ՕՐ. Ն. ԱՂԱՆԵԱՆՑԻ ՊՈԼԻՑ. 7.

1907

(77)

(25-12-11)
ԵԲ-Ա

18507

5.02.2013

SAL 13

ԳԻՒՂԱԿԱՆ ՑԵՑԵՐ

I

ԸՆԴՀԱՆՈՒՐ ԱԿՆԱՐԿ

Քանձակի նահանգում Ղազախ գաւառն՝ որքան մեծ ու ընդարձակ երկիր է, այնքան գիւղաշատ ու բազմամարդ, որքան դիրքով լեռնոտ ու անտառապատ, այնքան ազդարնակութեամբ կոշտ ու անկիրթ:

Պատմական այդ Գուգարաց աշխարհն, որքան հընուհն օրինակելի է եղել կեանքի արթնութեամբ, ինչքան նրա ազգարնակութիւնը յառաջախաղաց դեր է կատարել հայ հասարակութեան խաւերում և ինչքան աչքի է ընկել իր կուլտուրական զարգացողութեամբ, այնքան այժմեան Ղազախը՝ յետ է մնացել ընթացիկ կեանքից և ժամանակակից արթնութիւնից:

Մօտ 200,000 բնակչութիւն ունեցող այդ գաւառը՝ շնորհիւ այն հանգամանքի, որ սկզբից ի վեր ապրել են թւով աւելի անկուլտուրական թուրքեր, հնարաւորութիւն չէ ունեցել զարգանալու և ընդհանուր բնակչութիւնը մնացել է խաւարի, ագիտութեան և նախնական թիւր սովորութիւնների մէջ ընկղմած:

Ամբողջ գաւառը բաժանւած է երեք խոշոր մասերի. առաջին Շանշահնի, երկրորդ Ղազախի գաւառամաս և երրորդ մասը կարելի է ասել, կազմում է Ղազախ գիւղաքաղաքի շրջանը: Թէ մէկ և թէ միւս բաժանմունքները համարեա թէ մէկս մէկուց ոչնչով չեն տար-

Արտատպած «ԱՇԽԱՏԱՆՔ» շաբաթաթերթից



Ճ

241
44

բերուած: Լեզուն, սովորութիւնները, բնակչութեան նիստ ու կացն, աշխարհահայեացքը, կրօնն ու դաւանանքն, երկու գաւառամասերու մէջ էլ գրեթէ միեւնոյնն է: Իսկ գիւղաքաղաքի կեանքը՝ շնորհիւ արտաքին աշխարհի յարաբերութեան, փոքր ի շատէ կենդանութեան մէջ է: Նա, երևի աւելի կառաջադիմէր, եթէ Կարս-Երևանեան երկաթուղու գիծը չլինէր, որովհետև այն օրից սկսած, ընկաւ գիւղաքաղաքի թէ յաճախակի յարաբերութիւնը, թէ առևտրականութիւնը և թէ բնակչութեան աճումը: Քանի չըկար այդ գիծը, զանազան տեղերից, Երևանեան նահանգի հետ յարաբերութիւն կատարում էր Աղստաֆա կայարանից Ղազախ գիւղաքաղաքի վրայով: Ամենօրեայ երթևեկութիւնը շէնացնում, զարգացնում էր փոքրիկ գաւառական քաղաքն, իսկ այսօր, այդ ամենը մեծ մասամբ կատարում է Կարսի գծով և Ղազախը՝ յետ է մնացել:

Մենք այժմ կըխօսենք Ղազախ գաւառամասի վերաբերմամբ, Շամշադինը թողնելով ապագային:

Ղազախ գաւառամասում ապրում են հայեր և թուրքեր, վերջինները թէ թուով շատ են և թէ գիւղերով: Առհասարակ ինչպէս ամեն տեղ, նոյնպէս և Ղազախում, հայերը բնակուում են լեռների, բարձրունքների, լանջերի և սարահարթերի վերայ, իսկ թուրքերն աւելի դաշտավայրերի ու տափարակների վերայ: Բնակչութեան տեղի, դիրքի և կլիմայի համեմատ էլ կեանք են վարել տեղական հայ ու թուրք ժողովուրդները:

Լեռնոտ երկիրը բնակարար սրտոտ գաւակներ է շատացրել և ազդեցիկ բնութիւնը՝ կտրուկ իգիթներ: Նրանք իրանց մօր կաթի հետ ծծել են հայրենիքի սառնաշունչ օդը, կերած հացի հետ խմել են երկաթի ջուրն և քարքարոտ երկրի հետ, կոշտացել ու ամրապնդել: Միակ հարստութիւնը Ղազախի կեանքում, այդ

կատարեալ առողջութիւնն է, որ աւելի քան վայելում է հայ ազգաբնակչութիւնը գրեթէ բոլոր գիւղերում:

Հայաբնակ գիւղերի մէջ կան մեծ ու բազմամարդ և փոքրն ու սկաւամարդ գիւղեր. թէ առաջիններում և թէ վերջիններում՝ կեանքը լճացած է. ոչ մի նորութեան ներմուծում, ոչ մի առաջադէմ քայլ և ոչ մի ընդօրինակութիւն արտաքին աշխարհից՝ դեռ մուտք չէ գործել այդ կողմերում: Ժողովուրդը սկզբից ի վեր շարունակել է իր նախնական կեանքն և այսօր էլ նոյն անշարժ վիճակի մէջ է: Նա զբաղուում է առաւելապէս՝ հողագործութեամբ, ապա՝ անասնապահութեամբ, այգեգործութեամբ և մասամբ էլ մեղաբծութեամբ: Այս ամենի վերաբերեալ՝ նրա գիւղատնտեսական հայեացքները նախնական են. աւանդաբար փոքրերը մեծերիցը սովորելով՝ և՛ մաճկալ են և՛ այգեգործ, և՛ «չորան» են և ամեն բան. սակայն իսկապէս և ոչ մի գործում ու արհեստի մէջ օրինակներ:

Ի հարկէ այլապէս չէր էլ կարող լինել, որովհետև այդ անագին գաւառում, դեռ չըկայ ոչ մի դպրոցական հաստատութիւն, որտեղ փոքր ի շատ է զարգանար հայ զաղախեցին: Ղազախում՝ գրեթէ չկայ կըրթեած գործիչ՝ քահանայ, ուսուցիչ, գիւղատնտես և թէ առհասարակ օրինազէտ մարդ, եղածները մանկութիւնից հեռանալով իրանց հայրենիքից՝ մնացել են դուրսը:

Ղազախեցիների իրաւաբանական զարգացումը մանաւանդ աննկարագրելի է: Մի գիւղական գլաւին կամ օգնական, մի շինական դատաւոր կամ սրօրշչիկ, մի կանցելիքարիստ պիսեր, կամ գիւղի գրագիր, մի «օրէշչիկ» կամ «եասաւուլ», մի կալւածատէր կամ «աղայ» մի «հաքիմ» կամ «գրբաց», մի «փալչի» կամ «գէվրիշ» և վերջապէս մի դուքանչի, կամ հէնց նոյն իսկ մի մանրածախս չարչի՝ ամեն մէկը երեսակալում է

իրեն իշխանաւոր և օրինական, և պահանջում է իր կամքի իրագործումը: Էլ չենք խօսում քահանաների մասին: Ժողովուրդն էլ հետևելով նախնեաց անցեալ օրինակներին՝ իր մեծարանքն ու յարգանքն է ցոյց տալիս իւրաքանչիւրին իր կոչման համապատասխան: Իսկ ինչ վերաբերում է բարձրաստիճան պաշտօնեաների անսահման իշխանութիւնը՝ Ղազախեցին, հայ թէ թուրք, նրանց որսն են:

Պակաս գործ չեն տեսնում և պառաւ թուրք բաջիններն ու մօլլաները: Սրանք որքան յարգ ու պատիւ ունեն իրանց ցեղակիցների մէջ, այնքան էլ հայերի մօտ: Նրանցից իւրաքանչիւրն՝ որպէս թէ շնորհած են ամուրի կանանց որդեծնութեան կարողութեամբ և ահա, ամեն տեղ ներս ու դուրս անելով՝ պարագիտների նման ծծում են անմիտ ժողովրդի արիւնը:

Մըքունի հարկից շատ աւելի գումար՝ Ղազախեցին տալիս է թէ ամեն մի վարչական պաշտօնեայի և թէ տեղական այսինչ և այն ինչ անհատին իր կարիքը կատարելու համար, սակայն փողը ձեռքիցը գնում է և ինքը դարձեալ մնում է ձեռնունայն և նոյն կարիքի մէջ:

Մենք, ընթերցողի առաջ, յաջորդաբար կը մերկացնենք արդ գիւղական ցեղերի մանրամասը գործունէութիւնը և շօշափելի օրինակներով կաշխատենք պատկերացնել ամենքին:

Այժմ կը խօսենք բոլոր վարչական պաշտօնեաների մասին և այս կլինի մեր խօսքի առաջին մասը, իսկ յետոյ-բոլոր կողմնակի հարստահարիչների մասին և այն կլինի մեր խօսքի երկրորդ մասը:

«Գիւղական ցեղեր»-ի շրջանում՝ նախաթոր պատկանում է զլաւինն: Թէև գիւղացիներից ամենքը նրսն ձանաչում են, որ նա գիւղ ու գեղամէջը քանդող, անճար աղքատի արիւ-քրտինքը ծծող, քեասիւր աշխատաւորի հալալ վաստակը կլանող և «հախ ու նահախ» տեղից «գօռգանգօռ» կաշառք ուտող մի պատուհաս է իրանց գլխին, սակայն նա իր պաշտօնավարութեան ամբողջ ընթացքում,՝ դարձեալ իր պատւի ու մեծարանքի տէրն է: Նա, որպէս գիւղի տէր ու տիրական՝ համարւում է «քէդխուղա»-ների աւագ անդամ, ուստի և շինականի ամեն նիստ ու կացի ժամանակ՝ հարսանիքի, մահնիքի, կնքատէքի և ուրիշ հանդիսաւոր տօնախմբումներին «վերի թարէք»-ի, կամ «ճակատի» բարձը նրան է պատկանում: Այս առաւելութիւնը յաջորդաբար նախորդից անցել է վերջինին, բայց որքան մօտեցել է մեր օրերին, այնքան ժողովրդի աչքում ընկել և թեթեացել է:

Ղազախեցի ռամիկն, որքան և տխմար է, բայց և այնպէս իր հոգու ամբողջ կարողութեամբ ըմբռնում է՝ թէ զլաւինի և թէ առհասարակ գիւղի բոլոր պաշտօնեաների տիպը, «նրանց կաշին, ինչպէս ասում են, ձանաչում է նոյն իսկ տիկ հանած ժամանակ»: Նա ձեռնահաս է իւրաքանչիւր խնդրում երևան հանելու նրանց քացասական կողմերը, բայց քանի որ գիտէ, թէ՛ իր բողոքի ձայնն ոտնատակ է լինելու և ինքը «ղալ-մաղալի» ու «փիսամարդի» է դառնալու անմիաբան գիւղի մէջ, մանաւանդ մեծամարդկանց աչքում՝ լուռ

է ու կամա-ակամա հաշտուում է այդ անօրէն վիճակի հետ:

Այլապէս չէր էլ կարող անել նա, որովհետեւ Գլաւինն իր «արբանեակներին» հետ միասին, գրեթէ ամբողջ գիւղի համայնքին՝ մի այնպիսի ցանցապատի մէջ է շրջափակում, որից դուրս պրծնողն այլ ևս անկարող է հալալ «հաց ու ջրի» տէր մնալ: Եւ այս իրականութիւնը թէ տարիներէից առաջ էր տիրապետում մեր գիւղերում, թէ երեկ-մէկէլ օրն և թէ շատ տեղեր նոյնիսկ ներկայումս նոյնն է:

Տէր մի արասցէ, «վայն եկել ու տարել է նրան»՝ ով ծայրայեղ յուզմունքից արեկոծած, բռնկում է և դառն ճշմարտութիւններ արտայայտելով՝ ոտից-գլուխը ներկում է գլաւինին, կամ թէ «պաշտօնեայ մեծամեծներին» մէկն ու մէկին: Այն ժամանակ ամեն բան վերջացած է այդօրինակ ճշմարտախօս «ղալմաղալչու» վերաբերմամբ. գլաւինի «կոխեցէք հարամզադին» հրամանի համաձայն՝ այնքան «ջարդ ու փշուր» ծեծւում է, այնքան «արէն-լիկ» վէրք ու ուռուցք է ստանում, որ «հալ ու հարաքաթից» ընկնում, գրեթէ անշնչանում է: Եւ երբ նոյն գլաւինի մեծ բարեխնամութեամբ արտասանած «բօլա» խօսքը վրայ է հասնում, այն ժամանակ միայն, աղեկտուր վայնաստենից ձայնը կտրած և ոտք ու ձեռքից ընկած «մեղաւորին» բանտարկում են—ձգում են ծակը՝ «տուսաղխանէն»:

—Գնա, ինչ տեղ քուռն ասես, իմն էլ ընդիսաս, խրոխտանում է մեծամիտ գլաւինն անօգնական թշուառի յետևից:

—Էդ քեզ խրատ, էլ լը ցանես կուսհատ, խրատում են առանձին հեգնութեամբ գլաւինի ախպերացից պաշտօններն և մեծաւորները:

—Եանի ոտդ, որ կօրզանիդ գեօրայ մէկնես, ի՛նչ

կլի. ցաւակցում են «բօստ» բարեկամները, իսկ «դուռման» հարեաններն՝ առելութեան թոյնով լիքն ուրախանում են:

—Այ հանն ան, տուր, հլա քիչ կերաւ...

Եւ այս ու այս օրինակ բիւրաւոր իրարանցման դէպքերի և տխուր երևոյթների բուն պտճառը՝ հէնց ինքը գլաւինն է իր արբանեակներով և նա այդ բոլորը կատարում է որոշ նպատակով և որոշ ակնկալութեամբ: Պարզենք մի քանի եղելութիւններ:

Ահա՛ համազիւղացի Պետնի մի լուծ եզը կորել է, կամ Աթօի «մագիան» ձին՝ քուսակը հետը գողացել են, կամ Հանէսի գոմը գիշերով կտրել են և դուրս քշել նրա ունեցած բոլոր չորքոտանիներին և կամ մտել են դուքանչի Արտէմի ճօթի խանութը և ամբողջ ապրանքը մաքրազարդել: Միւս օրը «գանդատ-գանգատաւորի» յետևից գալիս ու գնում են սեւակի ու պրաւլէնիէն և եղելութիւնը յայտնելով գլաւինին՝ աղի արտասունք են թափում, «խուռնջիկ-մուռնջիկ» գալի, մըխկտում և օգնութիւն խնդրում նրանից, համոզած լինելով հանդերձ, որ նա կարող է ամեն բան անել...

—Ա՛Պետ, ան փլան, ան փստան, նէէ դաստին-դաստին ասում ու պահանջում էք, հլէի թէ ես եմ գողացել, եա տանողի տեղը գիղամ, որ կանչեմ ու «ղախկար ջոխի» անեմ, յետ խեմ ձեր ապրանքը...

—Քեզ մասնիդ, Գրիգոր քեօխվա, դու չես արել, համա դու շատ բան հսկացող մարդ ևս, հինգ մատիդ հմբարքով ճանաչում ես մեր գեղերանքի գողերին... վերեն Աստօծ, ներքը դու՛ մի ճար արա մեզ:

—Լաւ, լաւ, գնացէք: Մի բան խոստանամ փլանքասի վասլին, կարելի ա կորուստի «իզը» գթնի:

Եւ թալանւածները գնում են, լիայոյս լինելով, որ մի երկու օրից յետոյ կորուստը գտնելու է, բայց

այդ բոլորի փոխանակ ամեն մի ապրանքագլխին տու-
լու են 10—15 բուբլի փրկանք:

Այդ գումարն անցնում է գլաւինի ձեռքը և մըտ-
նում է իր ու իր նմանների գրպանը: Սա սովորական
երևոյթներինցն է:

Պատահել է, որ Սաքօի գոմէշը Մադնի «ղորուխն»
արածել է, կամ քասիբ Չալօի էշը Մուկուշի արտնէ
ընկել, կամ Ծէփկօի մերան խողը Համբօի բաղնէ մտել
և կամ Նեսօի ոչխարը Մողոմի լըբուտն է փշացրել:
Վնասուողը գնացել է գլաւինի մօտ՝ իր բաղուբղէի փնաս-
ները՝ մէկն երկուտով թւել ու արձանագրել է տւել և
գատաստանը թողել նրա բարեհայեցողութեանը: Ահա
գլաւինը խիստ հրամանով, կանչել է տալիս անասուն-
ների տիրոջն և մի, կամ երկու օր ժամանակ տալով,
պահանջում է այս ինչի, կամ այն ինչի փնասը յատու-
ցանել: Դու արի ու հազար ասն թէ՛ բոլորովին սուտ
է յայտնւած, թէ ոչ մի բան չէ փշացրած և տուգանքը
սաստիկ մեծ է ու եղելութիւնը սաստիկ չափազան-
ցրած. ո՞վ է քեզ հաւատում: Շատ շատ՝ քեօխվէն մար-
դիկ կուղարկի փնասը տեղն ու տեղը որոշելու և գնա-
ցողները շատ պարզ է, որ յաճախ իր արբանեակինցնե-
րինցն են լինում և եղելութիւնն աւելի մեծացնում են,
քան օրինակ հէնց արատէրի կամ բաղատէրի ու միւս-
ների ասածը: Տուգանքը տրւում է, «տուն արւած»
չորքոտանինները բաց են թողնում և փողը փոխանակ
փնասուողի ձեռքն անցնելը՝ մտնում է գլաւինի գրպանը:

Դիցուք, հարկաւոր գործով, մի գաւառական պաշ-
տօնեայ եկաւ գիւղը, կամ գիւղից՝ որոշ պարտականու-
թեան համար՝ այս ինչ ու այն ինչ մարդը կանչեցան
«ուեղզնօէ ուպրաւէնիէն». երկու ղէպըումն էլ՝ եկողի
ու գնացողների համար, գործադրած պատահական
ծախսը՝ մի երկու օրից յետոյ ծաւալելով՝ դառնում է

մի պատկառելի գումար և բաժանւում է գիւղացոյ
վրայ ու հայդէ, մանէթներ է, որ գլորւում են դէպի
կանցելարիէն՝ յօգուտ գլաւինի ու նրա թև ու թիկունք
պաշտանիկներին: Դէ, համարձակելի ու մի վճարիբ՝
խսկոյն «շանստակ» անելով՝ քեզ տուտաղխանէն կը
զցեն և իրանք անձամբ տնիցդ մի իրեղէն կը հանէն
ու վաճառքի կը դնեն:

Ենթադրենք համագիւղացիներից մի երկու մար-
դու մէջ մի հին դաւ կայ: Տարիների ընթացքում՝ մէկը
կամ միւսը, նախապէս զանազան «փէշքաշներով» շա-
հելով ժամանակակից տանուտիրոջ օիրտը, կամ մի որև
է աչքի ընկնող յանձնարարութիւն կատարելով յօգուտ
նրա՝ գործը տարել է: Անցնում է մի քանի տարի, նոր-
ընտիր տանուտիրոջ առերես քաղցրութիւնից ուզում է
օգտւել տանուլ տւող դաւատէրը և ահա սա է սկսում
իր բարեկամութիւնը նրա հետ: Նւէրներ է ուղարկում,
կաշառք է տալի և մի օր էլ յանկարծ տեսնում ես հին
գործը «թաղացաւ» ու այժմ վճուեց յօգուտ առաջան
տանուլ տւողի: Կռիւն ընկնում է դաւատէրերի մէջ և մէջ
տեղից նիւթականապէս օգտւում է դարձեալ գլաւինը:

Այդպիսի օրինակներ անթիւ են. պէտք է ապրել
նրանց մէջ՝ աչքով տեսնել և ականջով իմանալ ամեն ինչ:
Ինչպէս ամբողջ Ղազախում, այնպէս էլ մեր եր-
կրորդ գաւառամասում, գիւղական կառավարութիւնը
զուտ համայնական էր: Ամեն մի գիւղ ունէր իր առան-
ձին սելսկիյ ստարշինան, օգնականն, երեք դատաւոր-
ներ, որոնք ներկայանում էին մի-մի թագաւորներ,
կառավարում էին իրանց խելքի կտրածով: 1903 թից
մեր կողմերում հաստատուեց վլոյստնոս ուպրաւէնիէ
կոչուող գիւղերի կառավարչական ձևը: Այդ օրից սկսած
մի քանի գիւղեր կենդրոնանում են մի գիւղում: Բոլորին
հսկում է մի գլաւին և ստանում է տարեկան 300 բ.

առճիկ: Նրա իրաւասութեան տակն են իր ձեռքում կենդորոնացած գիւղերի համար նշանակւած առանձին-առանձին օգնականներ: Իւրաքանչիւր գիւղ ունի իր մէկ սուղան՝ դատաւորը: Շաբաթը մէկ անգամ բոլոր գիւղերից՝ գործ ունեցողները հաւաքուում են սելակոն ուղարակներէն և այնտեղ է վճռուում նրանց գանգատը: Փոքր գործերը վճռուում են հէնց իրանց տեղում՝ իրանց յատուկ պաշտօնեաների մէջ, իսկ մեծ գործերը անպայման անցնում են հաւաքւած օրինականների շրջանը: Այսպէսով՝ ապակենդորոնացնումը խախտեց մեր կողմը և նշանակւել է կենդորոնացում: Վարչական այս ձևը մեծ վնասներ է պատճառում ազգաբնակչութեանը: Նրանք տուժում են թէ բարոյապէս, թէ տնտեսապէս և թէ ֆիզիքապէս:

Սելակի ուղարակներ ընտրուում են երեք տարի ժամանակամիջոցով: Շատ ղէպքում նրանք վերընարւում են, որովհետև ներքին կապերով միացած են ժողովրդի հետ: Այս բոլորի գլուխ գործոցն է գլաւինը՝ բոլոր գիւղերում, նրա օգնականը՝ իր գիւղում և այնուհետև միւսները: Գլաւինը գիւղերի համար արիւննուշտ գաղան է, այդ բանը գիտեն իրանից բարձր իշխանաւորները, սակայն նրանից որոշ չափով օգուելով, միշտ լուծեամբ են վերաբերում բոլոր այդ առթիւ բողոքների հետ:

Այժմ անցնենք գիւղական միւս ցեղերին:

III

Ս Ո Ի Դ Ե Ա

Մեր նախորդ տխրական նկարագրութեան մէջ, որքան գիւղական գլաւինը ներկայացաւ որպէս մի

բռնադրու ինքնակալ և անսահման իրաւատէր, այնքան «սէլակիյ սուղիան» կամ գիւղական դատաւորն, իրականութեան մէջ, ներկայանում է՝ որպէս մի անարդար օրինական և կեղծ ու խարդախ պաշտօնեայ:

Ղազախ գաւառի ո՞ր գիւղը մտնէք՝ բացի մի քանի շահագրգռւած մարդկանցից, ժողովրդի մեծագոյն մասը, մեծից մինչև փոքրը, սուղեաների ձեռքից «եաման դադ» են կանչում և այդ անօրէն ու անհոգի անհատներից շտապում են «եախա թափել»: Այդ անհատները գիւղական համայնքների անկուշտ ու անյազ ցեղերն են, որոնք «տարէն տամներկու ամիս» շարունակ ծծում ու քամում են խեղճ շինականների արիւնքրտինքը:

Ղազախեցու առածն ասում է «գիլի» անուսն ա կոտրած, աղւէսն երկիր քանդեց»: Ծիշտ է, գլաւինը գիւղերում ներկայանում է՝ որպէս մի գիշատիչ ու ամենակեր գաղան, բայց սուղիաները նրանից ոչ միայն պակաս չեն իրանց յափշտակութեամբ, այլև իրանց խարդախ ու խաբբայ գործունէութեամբ ամբողջ գիւղը «տաղն ու վրայ» են արել ու անձար «քեասիբի ճրագը հանգցրել»: Պերճախօս փաստերը իրականութեան մէջ աւելի վառ գոյներով են նկարագրում այդ «ցեց ու ուտիճ» վոհմակների պատկերն և այդ փաստերը անվերջ են ու անհամար: Դրանք բոլորը հանդէս են գալիս շեշտելու, որ սուղիան կամ դատաւորը՝ մէկ-մէկ արտօնեալ իրաւատէր են և ոչնչով յետ չեն մնում նոյն իսկ քաղաքների ու մայրաքաղաքների օրինական շրջանների անհատներից և վարձական հաստատութիւնների պաշտօնեաներից: Սակայն մի տարբերութիւն. որքան վերջիններն ամեն տեսակ գեղձում կատարում են նոյնիսկ իրանց կրթւած ու լուսաւոր գիտակցութեամբ, այնքան առաջիններն, այն է գիւղական սուղիաները, կատարում են միայնգամայն ւղիտութեամբ

ու շահագրգռած: Եւ այնպիսիների վարձուները՝ ի դիմաց խեղճ ու աղքատ գիւղացիների, աւելի քան դասապարտելի ու մահացու է:

Սուղեա կամ դատաւոր բառն՝ ինքնըստինքեան նշանակում է մի այնպիսի կոչում կամ պաշտօն, որին ենթակայ եղողն, անպայման պէտք է լինի օրինագէտ, լայն աշխարհայացքների տէր, խիղճ և մարդկային ուրիշ յատկութիւններ ունեցող մի անհատ: Սակայն, որքան քաղաքակրթւած երկիրներում այդ պաշտօնեաները՝ մասամբ իւրիք համապատասխան են լինում իրանց կոչմանն, այնքան մեր կողմերում, առանց բացտուութեան, բոլոր գիւղերի այդ օրինակ պաշտօնեաները միայնգամայն անհամապատասխան են իրանց կատարած գերին՝ իբրև օրինագիտութիւնից զուրկ, տգէտ, սահմանափակ հեռատեսութեամբ և անխիղճ ու անհոգի մարդիկ:

Այդպիսիները հետեւեալ առաւելութեամբ են ընտրւում. ժողովրդական առածն ասում է՝ «կոնդերի մէջ մինը չորեքթաթ գնաց, անումը դրին փահլան» և երբ տգիտութեան և խաւարի մէջ խարխափողների շրջանում՝ մէկը նկատւում է, որպէս եղածներից «աչքաբաց», այս կամ այն ինչ գործի մասին «զլխի ընգնող», իսկոյն նրա մասին դրական կարծիք է կազմւում թէ՛ «հէնց էն ա, նա ա որ կայ, և որ դրանից սաւայի ոչ ոք չէ կարող սուգիութիւն անիլ»...

Յաճախ այդ «իսկը սուգիացու»-ներն՝ ընտրւում են այն մարդիկ, որոնք բան ու գործ թողած, օրը մթնացնում ու լուսացնում են սելսկի ու պրաւէնեաների գոններին: Նրանք ինչ ու ինչ յետին մտքերով օր ու գիշեր քաշ են գալի այդ հաստատութիւնների շուրջը, որպէսզի մի օր էլ «ունդատն ընգնի» ու իրանք գտնան գեղի կոտավարիչներից մէկը: Եւ վերջ ի վերջոյ՝ այդթէս էլ լինում է. ճիշտ որ, «թոկից փախած»

ները» անցնում են գիւղի գլուխ ու այնուհետև աչքդ բարին տեսնի... Անցեալ, երազած ցանկութիւնները՝ այսօր փոխել են իրականութեան, նրանք այնքան շտապում, այնքան «ոտին տոտին» են անում, որ կարճ ժամանակամիջոցում «իրանց դրստում» և քէֆները չաղացնում են: Մէկ էլ տեսնում ես՝ երեկւայ սովածութիւնից «պատի ծէփ» դարձրած աղքատ Չատին, այսօր ընկնելով «քեօխվա-քէղխուղէքի» շրջանը, դարձել է «սուղեա Սաչատուր»: Նրա «գետնափոր» խրճիթը հիմքից նորոգել և փոխարինել է «քարաշէն քօշկի»: Բազն ու բաղչէն, լծկանն ու կթանը, սարն ու դաշտը միմեանց յետևից կանոնաւորել են: Եւ այդ բոլոր հարստութիւնը նա ձեռք է բերել կարճ ժամանակամիջոցում: Այնուհետև, այլ ևս նրա «վէջէն չի» թէ իրան կեղծիքների մէջ կրթունն ու «պչը կըխուզեն»:

Ամենքին յայտնի է, որ գիւղի պաշտօնեաներն ուսող են և ով «ոսկրն է տալիս» նրա կողմն են: Նըբանց բոլորի վճիռներն ու կատարած գործերն՝ ոչ միայն ճշմարտութիւն ու օրինականութիւն չեն պարունակում իրանց մէջ, այլ և շատ անգամ լինում են սուտ և հրնարովի, որպէս զի ձեռքները «շահի-բխախ» ընկնի: Եւ այս բոլորի ընթացքում՝ միշտ տուժում է աղքատ ու անօգնական շինականը, քեասիր ու թշուա աշխատաւորը. և իզուր չէ՛, որ իրանք իրանց պէսների համար ասում են. «դառը դատում, մաղբուն նստում ենք»: Բայց սուղեա Չատնի խիղճը արգար ու հանգիստ է՝ դեռ այդ տեսակ աւազակութիւնից յետոյ էլ:

Ղազախում ի՞նչն է շատ՝ «գեղերանքի դավադարը»: Կիրակի, «հուքմի» և անձրևախափան օրերին գրեթէ հանգիստ չկայ գիւղերում: Մէկ էլ կըտեսնես սուղեաները նստել են մի չափարի տակ կամ մի կալամէջ և կամ մի փէյնակիտուկի դրաղը և «իզնախը»

զլիններին հաւաքած, դատում են այս ու այն ինչ յան-
ցաւորին. Մէկն ասել, վերջացրել է ու, որովհետեւ «վա-
ղուց տեսել է սուղիէքին», հանգիստ սրտով յետ է
քաշուում, յուսալով, որ գործը տարել է: Առաջ է գա-
լիս մեղադրւածը և հալ ու հարաքաթից ընկած ողոր-
մելի ձայնով խնդրում է.

—Գլխիդ մատաղ, սուղիա Մկրտիչ, ասենք «մա-
նա դիլի եօխ, բմ սանա դինի եօխ»: Աշխարհս գիղայ,
որ 15 տարուց էվէլ ա՛ մեր ճալու լօրուտատեղը իմնա,
հմի ախր դու Սողմի խօսքով ո՞նց ես ուզում իմ պա-
պական տեղը ձեռիցս խլել:

—Էդ քու բանը չի, ես ի՞նչ անում եմ օրինա-
գրքով եմ անում: Օրէնքը թիլ ա տալիս ու ես էլ վրձ-
ուում եմ, պատասխանում է դատաւորը:

—Արինս վե կածեմ ու թիլ չեմ տայ, որ էդ բա-
նը գլուխ գայ, մըմնջալով հեռանում է աղքատը:

Ահա մէջ է մտնում նախրչի Ղազօն. նա վաղուց
է, որ գեղամէջ է դուրս եկել ու փրփրակալած բերա-
նով սրան ու նրան պատմում է իրան զլինն եկած
օյինը: Մի բոպէ նոյն իսկ չհամբերելով սկսում է.

—Ա՛ խալիս, ա՛ քրիստոնեա խալիս, էս ի՞նչ դու-
գուն դադա, որ մեր սուղիէքը մեր գլխին են դնում:
Տօ՛, ես նզովեմ առաջ աղքատի օրը, եննա հարստի հօր
դեօրը: Մկար հարուստը Ագտօժ ա՛, որ նրա խօսքն
անց ա կենում ամեն տեղ, ու մերը ո՛չ:

—Ա. սուղիէք, էդ ի՞նչ իսպօնտի լիստ էք տւել
դարբնանց Ունանին, էդ ի՞նչ իրէք թուման ա, որ նա
ինձանից դաւի ա տալի. ըլիլ չի՞ որ ասէք իմանամ:
Պարտքը ծածուկ կըլի՞, թէ աշկարա:

—Ղալմաղալ մի անի—ընդհատում է սուղիէն—
թէ չէ բանդ գէշ կըլի: Ունանը հօրիցդ սանաթ ունի,
նրանից երեք թաղար ցորեն ա փոխ կալել, ու դեռ

հլա տւել չի: Շահի փոխարէն ծառայութիւն ա արել,
համա գլուխը դեռ հլա կենում ա տեղը:

—Ա՛ ձեզ մատաղ՝ հէրըս գերեզմանուտումը ֆող
ա դառել, հլա պրծիլ չի սրանց ձեռիցը: Ա՛ խալիս,
հէրս չէր որ 15 տարի նոքարութիւն արաւ Ունանին,
ու վերջն էլ՝ մեր մի թայի եղը նրան տւեց ու պար-
տքից անջաղ գուրս եկաւ:

—Շատ մի խօսալ, վճիռը վճիռ ա, ուզի չէ՞ս,
կօպիա վեկալ ու Գանջա զարգի...

Նախրչի Ղազօն սրտի ցաւից ընկնում է գետին և ու-
շաթափւում, բայց բոլորն անտարբեր են մնում դէպի նա:

Ղազախում «վօլօսնօէ ուպրավլէնիէ» մտնելուց
առաջ՝ ամեն մի գիւղ ունէր երեք սուղիա՝ մէկը միւսից
տգէտ ու անգրագէտ:

Այսօր այդ վարչական կառավարութեան օրէնքով՝
իւրաքանչիւր գիւղ ունի մի-մի դատաւոր, որոնք ատեա-
նի օրերին անպայման պէտք է գտնեն կանցելարում
և այնտեղ վճիռ կայացնեն: Նրանց տւած է իրաւունքի
և օրէնքի մատեաններ, սակայն նրանք մնում են միան-
գամայն անձեռնմխելի՝ նոյնիսկ տասնեակ՝ տարիներով:
Բայց, ո՞վ է ինչ հասկանում, որ կարդայ և կատարէ:

Գեղական դատաւորները՝ բոլոր գործերը վարում
են հին-նախնական սովորութեամբ: Աւանդաբար մէկը
միւսից լսելով և դրա վրայ էլ աւելացնելով իր շահա-
սիրական միտումները, գործը վճռում է ըստ իր քմա-
հաճոյքի: Տեղական բարձր կառավարութեան բոլոր պաշ-
տօնեաներն՝ ոստիկանապետը, գաւառապետն ու միրա-
վոյ պատրեզնիկը նոյնիսկ, ամեն բան գիտեն, բայց
ո՞ւմ հոգն է զլուխ ցաւեցնել...

Սիլսիկի սուղիաներն իրաւունք ունեն քրէական
գործերում մինչև 30 բուբուլ արժողութիւն ունեցող
գործեր վճռելու և տուգանքի ենթարկելու մինչև 70

47
70



րուբլու, իսկ քաղաքացիական գործերի ժամանակ՝ նորա իրաւունք ունեն 100 րուբլուց աւելի գործեր ու տուգանքներ վճարելու:

«Գիւղական ցեցերի» ասպարիզում մի փառաւոր տեղ ևս ունեն գիւղական սրորշիկներն, որ տեղական լեզուով կոչուում են «թովջիքարներ» և սելսկի պիտերներն, որ կոչուում են՝ «Եազըչիներ»:

Այդ բոլորի մասին յաջորդ գլխում:

IV

Ս Բ Ո Ր Շ Չ Ի Կ

Պաւառներում և թէ առհասարակ ամեն տեղ, երբ կեղեքիչ վաշխառուն, հարուստ կալւածատէրը, խարդախ կապալառուն, խաբեբայ առևտրականը, անխիղճ պարտքանտէրն և սրանց նման շատերն իրանց գործերում հանդէս են գալիս՝ որպէս ժողովրդի հարստահարողներ, այդ դեռ որոշ չափով հասկանալի է՝ նրանք ինչ ու ինչ կապերով յարաբերութիւն ունեն ժողովրդի հետ: Կամ երբ գիւղական «ցեցերի» շրջանում՝ կաշառակեր գլաւինն ու անկուշտ սուղեաններն աչքի են ընկնում իրանց անասհման կեղծիքներով և անվերջ խարդախութեամբ, նոյնպէս պարզ է՝ նրանք իրանց պաշտօնակիցներից աւանդաբար ժառնգել են այդ բոլոր էական յատկութիւններն և ամեն տեսակ «կեղտոտ գործ» կատարելուց յետոյ, դարձեալ որպէս կառավարչական պաշտօնեաներ գրեթէ միշտ յանցանքից զերծ են մնում:

Սակայն ի՞նչ անուն տանք այն անկոչ անհատներին, որոնք շատ անգամ առանց ընտրւելու, մտնում են գիւղական ներքին գործերի մէջ և իրանց ձեռքն առնելով ամբողջ գիւղի հարկահանութեան, ել և մտից գումարների հաշիւներն և ինքնակամ, ինքնագլուխ ու

ինքնայօժար կերպով զանազան կարգադրութիւններ են անում՝ յօգուտ առաւելապէս իրանց գրպանների: Այդպիսիներն են սելսկի սրորշիկները, որոնք ինչպէս ասացինք, կոչուում են «թովջիքարներ»: Նրանք բոլորը, ինչպէս շարունակաբար կը պարզենք, նման են այն գիշատիչ անգղներին, որոնք հաւաքւելով անօգնական և վիրաւոր ընկած անասունի վրայ՝ կտցահարելով, ծւատելով և գզելով սպանում են նրան և այնուհետև հանգիստ սրտով սկսում են աջից-ձախից յօշոտել նրա դիակն և լափել ու մաքրագարգել նրան:

Ղազախ գաւառի գիւղացիք, «էն գլխից» սկսած մինչև այսօր, չեն կարողանում «աչքաբացել», ոչ թէ առաւելապէս գիւղական նիստ ու կացին՝ վերաբերեալ զանազան յարմարութիւններ չունենալու պատճառով, ոչ, այլ նրանց օրը սև է, «եախի թեւը կտրած», «հալ ու հարաքաթից» ընկած, «աչքի լիսը» խաւարած և չոր ու ցամաք ապրուստի մէջ՝ գլխաւորապէս այդ թովջիքարների անօրէն ու անխիղճ կարգադրութիւնների պատճառով:

Արքունի հարկը՝ որքան էլ ծանր լինի, որքան էլ մեծ, այնուամենայնիւ ղազախեցին իր անդուլ աշխատասիրութեամբ կարող է ժամանակին վճարել: Բայց, տարաբարտարար նա ոչ թէ ոտնահար է եղած այդ պարտականութիւնից, այլ երբ լսում է «կօռ ու բեգառի» և «գէթմիշ»-ի ձայնը՝ նա «մահը տալիս է», որովհետև իրան քաջ յայտնի է, թէ ինչ տեսակ յաւելումներ ու այլևայլ չեղած ու չկատարւած ծախսեր են բարդւելու յիշեալ պահանջների վրայ: Եւ այդ բոլորը թովջիքարների ցանկութեամբ:

Ենթադրենք մի գիւղի վրայ տարեկան նշանակւած է պետական հարկ 2000 րուբլի: Այդ գումարից՝ գիւղացու մի տան վրայ իր կարողութեան համաձայն—

Նարժական և անշարժ ստացածքի չափով—ընկնում է 5 բուբլի: Նա՛՛ ամենայն բաւականութեամբ և հեշտութեամբ, տարեկան 10 բուբլի կրվճարէ, միայն թէ «եախէն թափած» լինի «գիւղամիջից»: Բայց, բանը դրանով չէ վերջանում. երբ թովջիքարների ձեռքի տակովն է անցնում այդ «հարկերի ու գէթմիշ»-ների բաշխումը, յանկարծ այդ 5 բուբլու փոխարէն, նոյն տան վրայ նշանակում է տարեկան մօտ քսան բուբլի, ուրիշ խօսքով՝ պետական հարկից գատ 15 բուբլի ևս այդ տունը անպայման պարտաւոր է յատուցանել, որպէս գիւղի վրայ գործադրւած այլ և այլ ծախսեր, որոնց անւանում են ընդհանուր բառով՝ «գէթմիշ»—եւք:

Տեսնենք թէ ի՞նչից է գոյանում այդ գէթմիշը:

Գէթմիշի մէջ են մտնում՝ առաջին—«Սաբալախ»

կոչւած տուրքը: Սա այն արօտատեղիների վարձն է՝ ուր «եայլադ» գնացած ժամանակ, արածում են գիւղացոց անասուններն՝ եզ, կով, գոմէշ, ձի, ոչխար և այլն: Սաբալախի տուրքը բաժանւում է միմիայն այն տների վրայ, որոնց չորքոտանի անասուններն օգտւում են այդ տափերից: Այս բաշխումի ժամանակ՝ շատ յաճախ պատահում են հետևեալ ապօրինութիւնները. Դիցուք 5—6 տարի առաջ, հաշել ու ցուցակագրել են գիւղացոց չորքոտանիներն և ըստ այնմ՝ այդ տարին մի գիւղացու ունեցած երկու լուծ եզի ու վեց կովի համար նշանակել են համապատասխան տուրք: Անցնում են տարիներ, կամ գողացւում են նրա եզներից ու կովերից մի քանիսը և կամ սատակում են: Յաջորդ տարիներին, դարձեալ նախկին ցուցակագրածի համաձայն, թովջիքարները ծախս են հաշւում այն գիւղացու վրայ: Տէրը՝ գալիս, աղաչում, պաղատում է, վկաներ է բերում, որ այժմ այսքան ապրանք ունի և այսքան պէտք է տայ և որ իրանք թովջիքարներն այդ բանը շատ լաւ գիտեն,

բայց ոչ մի հնարք չի լինում ծախսը կրճատելու: Նըրանք բացէ ի բաց մերժում են առարկելով, թէ՛ «չկէ նոր համաբարը՝ մենք կարալ չենք քու ունեցածը պակասցնիլ, նունքի խաղնին այդան ա քու ապրանքի համբարը և էն ու գեօրայ էլ փող պտես տայ»: Այսպիսի դէպքեր յաճախ են պատահում և այդ բոլորից գոյացած փողը մտնում է թովջիքարների և միւս պաշտօնեաների գրպանը:

Պատահում է և այսպէս՝ ցուցակագրութիւնից յետոյ մէկի անասունները կրկնապատկւել են և ըստ օրինի պէտք է նրա տւած տուրքը համապատասխան լինի իր անասունների թւին: Սակայն, թովջիքարները՝ կանխապէս շահելով այդօրինակ անհատներից՝ «թովջի»-ի ժամանակ, աչքաթող են անում այդ հանգամանքն և չգիտութեան տալով, այդ գիւղացու վրայ հաշւում են այնքան գլուխ ապրանք, որքան նա ունեցել է ցուցակագրութեան ժամանակ: Եւ այդ կողմնակի օգուտը դարձեալ մտնում է իրանց մէջ և հաւասար բաժանւում:

Գէթմիշի մէջ են հաշւում երրորդ՝ «Մասրափ» կոչուող զանազան պատահական ծախսերը: Տարւայ ընթացքում գաւառական և՛ այլ և այլ վարչական հաստատութիւններից՝ ինչ ու ինչ գործերի համար գիւղերն են գալիս դիցուք՝ պրիստաւ, եասաուլ, քննիչ, աքցիզ, միրաւոյ պարեղնիկ և այլն: Սրանց մի կամ կէս օրւայ գեւղում մնալու դէպքում, գիւղի կողմից նրանց նախաճաշի, ճաշի, կամ ընթրիքին կամ նոցա ձիաներին տւած խոտ, դարման ու գարիի համար արած ծախսերը՝ տարւայ գլխին այնքան «ծնում» և ծաւալում են, որ յանկարծ պետական հարկից շատ աւելի խոշորանում են և գիւղացոց գլխին դառնում են «դարդ ու բալա»: Պակաս ծախսեր չեն ցոյց տալիս՝ գիւղից զանազան տեղ գնացած գիւղի պաշտօնեաներն՝ իրանց

վերադարձին: Եթէ մարդագլուխ ծախսել են 5-ական բուրլի, ամենայն խղճմտանքով նրանք հաշուում են 10-ական, ասելով, «մենք խու խալխի նոքարը չենք որ համ գործ բիթմիշ անենք, համ էլ մեր ջրիցը ուտենք»:

Գէթմիշ են համարուում երրորդ՝ «Չառւմա» կոչւած անակնկալ ծախսերը: Դիցուք մի գիւղի սահմաններում կորել են միւս գիւղացու չորքոտանիներն. օրէնքով պարտաւորուում է այդ անասունների գինը վճարել այն գիւղի հասարակութիւնը՝ դէպի ուր գնում և հասնում է կորուստի հետքը: Այսպիսի դէպքերը թօլջիքարների համար՝ համարուում է «Չուխտ ոտով» թաղելը. և իրաւ, նոցա բախտը բանում է՝ երբ անթիւ պատճառներ են ասպարէզ գալի և յականէ յանանէ պահանջում են «թօլջի»-ի—հաշիւ—ժամանակ կանոնաւոր յատուցում: Ասում ենք, գիւղացու տունը քանդում են անա այդօրինակ ծախսերն ու տուրքերն, որոնք եթէ նշանակէին իսկական քանակութեամբ, դարձեալ մի կերպ տանելի կլինէին, բայց երբ նշանակած են գրեթէ երրակի յաւելմամբ, այն ժամանակ արդէն՝ ինչպէս ասում են՝ «բանը բանից անցնում է»:

Չորրորդ, գէթմիշ են նշանակում նաև՝ գիւղական պաշտօնեանների ոռձիկները, գլաւինի, պիսերները և այլն: Նոյնպէս գէթմիշ է՝ Գանձակի արհեստաւորաց դպրոցի տուրքը: Այդ շէնքի հաստատութիւնից յետոյ, երկար տարիներ է, որ այդ նահանգի գաւառներում եղած բոլոր գիւղերը պարտաւորուում են տարեկան որոշ տուրք տալ և տալիս են անխափան: Գէթմիշ է և գիւղերի սեփական ուսումնարանների (եթէ միայն կայ)..., ծախսերը, որոնք բաժանուում են դարձեալ ծխական տների վրայ: Մի խօսքով, չափազանցութիւն չիլինի, եթէ ասենք թէ տարւայ իւրաքանչիւր օրւայ թւով՝ նոր ու նոր գէթմիշներ են բարդում գիւղերի վզին

մեր անհոգի թօլջիքարներն՝ ի հարկէ այդ բոլորը որոշ նպատակով:

Օրէնքով այդ հաշւատեսները պէտք է ընտրեն գիւղի հասարակութեան կողմից, բայց որովհետև գիւղացիների մեծամասնութիւնն անգրագէտ է, հաշիւներից «խամ», գրեթէ միշտ մնում են միևնոյն մարդիկ, որոնք անկոչ մտու են այդ գործերի մէջ և անվերջ էլ կառավարում են իրանց քմահաճոյքով: Իրանք են «քեօխվաքէդխուղաների» («համդաշ») մարդիկ, որոնք օրնիրուն ձեռքները «դօինջ» արած, պտտում են գիւղամիջում և սրա ու նրա հարսի անունը տալով՝ քէֆ անում... Եւ դրանց քէֆը՝ աղքատ գիւղացու, էն դառն աշխատաւորի արիւնքրտիւնքն է, որ դրանք այնքան «հալալ» անուշ են անում: Ի դուր չէ ասւած թէ, «էշը դադի ձին ուտի»: Եւ «հազիր հադրաբաշ» գումարներն իրանց ձեռքին՝ ինչպէս կամենում, այնպէս էլ վարում են: Ո՞վ կարող է նրանց ասի թէ՛ «առաջ ես՝ յետ նատի»:

Ընդունւած կարգի համաձայն՝ այդ թօլջիքարները պէտք է թաղական ներկայացուցիչներ լինեն՝ որպէս իրանց շրջակայի հետ ծանօթներ: Գիւղի որակութեան համաձայն էլ մեծանում ու փոքրանում է թօլջիքարների թիւը: Եւ իսկապէս, փոխանակ այդ մարդիկ ընտրուելու, շատ դէպքերում ինքնակամ, քէօխլի կամ սուղիի միջնորդութեամբ, հանդէս են գալիս և միանգամ գործի մէջ մտնելուց յետոյ՝ ցմահ մնում են իրանց պաշտօնում: Երբեմն նոր կազմերի ձեռքն է անցնում այդ թօլջիքարութիւնը, բայց անդադար հանդիպելով զանազան խոչընդոտների և անլուծելի հաշիւների, մնում են խճճւած և կամա-ակամայ դարձեալ մէջ են հրաւիրուում առաջինները, այն ժամանակ՝ էլ ո՞վ կըդիմանայ նրանց:

Մեր կողմերում, թօլջիքի օրը՝ մի «Աստու անի-ծած» օր է լուսանում. կռիւ, դալմադալ, հայհոյանք,

ծեծն ու վիրաւորանքը միմեանց համախառնեաձ՝ աղ-
մըկում են գիւղն և ոտի կանգնեցնում գիւղի մեծին
ու փոքրին:

—Ախր, իսանաթ էք, ա՛ ձեր տունը բրիշակ ըլի,
էդ խի՞ էք քարհերեց անում ինձ, գոռում է Միսկա-
րանց Գևօն. մի իշից սաւայի, դոներիս էլ չորս ոտանի
չըկայ, ախր ընչի մհար էք էդքան էվիւ—էվիւ սարա-
լախ քաշում:

—Տղէքք, մի լուծ եզս չէք, որ հեռու չէ, մէկիւ
տարին գողացան և գեօքէգեօ Սիմօն քեօխվէն քսան
մանէթս կերաւ ու բան չըշինեց, էդ խի՞ էք կորստիցս
էլ փող հաշում, մէջ է ընկնում փափախչի Աթին:

—Մկար Բէզլար ապնին յայդնի չի՞ իմ ունեցա-
ծը, բա սնց էք ինձ ունեցողների հետ թայ անում, ես
18 մանէթ խարջ տւող եմ, այ ձեր տունը քանդի ո՛չ,
ախր հաւը ջուր ա խմում, երգինք ա եշում, աղաչում
է նօքար Ասլանը:

—Տօ, էս տարի, մեր գեղը երկու մարդ անջաղ
ըլի էկած, էդ քանսի՞ անումն էք տալի ու ջխտաբեր-
կնդայ զայդի մասրափը իրար եննա ծնեցնում, աղա-
ղակում է դալլաք Ղուկասը:

Օրը մթնում է, անվերջ բողօքները մնում են անհե-
տեանք, թօլջիքարները կատարում են իրանց գիտեցա-
ծը և միւս օրւանից սկսում են հարկերը հաւաքել:
Պէտք է յիշել նաև հետևեալ տխուր իրականութիւնը.
դիցուք մի գիւղում 20—30 տուն բոլորովին աղքատ
են և նրանք ցուցակագրւած չեն, որպէս ո՛չ խարջա-
տուներ, բայց և այնպէս նրանք էլ չեն ազատ մնում
տուրքերից: Այլ և՛ միշտ, ամեն տարի, բացի սովորա-
կան յաւելումներից, տարեկան մօտ 1000 բուբլի էլ
«գլուխ» են գնում և որոշեալ հարկերից զատ այդ գու-
մարն էլ հաւաքում են դարձեալ իրենց օգտին:

Ղազախում այդ հարկերը վճարւում են երկու
տրէտ՝ առաջինը մարտ ամսին. երկրորդը սեպտեմ-
բերին:

Չարկահանութեան դէպքում, պարոն թօլջիքար-
ներն աչքից բաց են թողնում իրանց այն համագիւղա-
ցիներին, որոնք ինչ ու ինչ հանգամանքներից ստիպ-
ւած՝ թողել են գիւղը և այս ու այն քաղաքներում
զբաղւած են որ և է գործով: Անմիջապէս մարդիկ են
ուղարկւում և նրանցից էլ որոշ գումարներ առնւում:

Այսպէս ահա, անտէր ու անտիրական գիւղերում,
նոյն իսկ յետին պաշտօնեան՝ իրաւատէր է, ժողովրդի
սեփականութեան թշնամին, նրա ջանի ՝ «տգրուկը»:
Ի՞նչ խօսք, որ առաջնակարգ պաշտօնեաները՝ ազնւա-
կանների ու իշխանների յարգանք ու կոչում կուենեային:

Այժմ մենք անցնենք սելսկի պիսերներին, կամ
ինչպէս նորա տեղական խօսքով կոչւում են, «եազըչ-
ներ»-ին:

V

Պ Ի Ս Ե Ր

Պիւղերի վարչական պաշտօնեաների շրջանում,
իրանց բացասական գործունէութեամբ, պակաս դեր չեն
խաղում գիւղական գրագիրները: Վերջին տարիներում,
երբ Ղազախ գաւառում հաստատեց վօլօստնօիյ կոչ-
ւող կառավարչական կենդրոնացման սիստեմն, այն
օրից այդ պաշտօնը գրագրութիւնը—աւելի բարդեց և
աւելի «խարջ ու բօրջի» մէջ ձգեց գիւղացիներին:

Ներկայումս, այդ պաշտօնը վարելու համար, բա-
ցի գիւղերի սովորական գրագիրներից, որոնք տեղա-
կան լեղւով կոչւում են «եազըչիներ», կան նաև «սել-

սկի պիսեր»-ներ: Սրանք ծառայում են սելսկիյ ուսուցիչներին և կատարում են գուտ կանցելեարիական գործեր, թարգմանի դեր, այլ և՛ օգուեելով գիւղական միւս պաշտօնեաների օգուեութիւնից, մտնում են նըրանց իրաւունքների մէջ և գործերին կամայական ուղղութիւն տալիս:

Պաշտօնական գործերին օրինական ընթացք տըւողը սրանք են, և ըստ իրանց վաղեմի սովորութեան մինչև սրանից ու նրանից կաշառք ու նէր չստանան երբէք ոչ մի գործ առաջ չեն տանի: Նոյն իսկ ամենամանրաժեշտ գործերն՝ ամիսներով արխիւներում մնում են անկատար և ուղղակի, կամ անուղղակի կերպով հասկացնում են գործատէրերին, որ եթէ նրանք հարկաւոր «Չափէն» քաշեն՝ և՛ գործը շուտ կըլինի և՛ յօգուտ իրանց կըկարգադրէ: Այսպիսի միջնորդութեան համար՝ գլուխ են պատուում և՛ գլուխները և՛ սուղիաները. որպէս զի մի կերպ պիսերի սիրտը շահեն ու իրանց զեղծումները ծածկւած մնան: Նոքա ամենայն բաւականութեամբ կատարում են պիսերների նաև ամենայնորին ցանկութիւնները, մանաւանդ այն ժամանակ, երբ սրանք այլազգի են և օտարական: Եւ այդ դէպքում նրանց—պիսերները—այդ վարմունքը հասնում է ուղղակի անբարոյականութեան...

Կանցելեարական գործերի «ունք ու բունքի», լաւ ու վատի և առհասարակ ամեն տեսակ գաղտնիքների հետ ծանօթ այդ պիսերները՝ իրանց ձեռքի մէջ ունենալով որոշեալ գիւղերի բոլոր գրավարութեան դեկը, շատ պարզ է, որ ամենայն տեսակ իրաւունք էլ կը գործադրեն և նրանց խօսքն էլ կանցնի. որովհետև եթէ նոյն իսկ նրանց տւած տեղեկութիւնները գլխովին սուտ լինի, կամ յեղաշրջւած կեղծիք՝ դարձեալ կըստօրինեն ամենայն վստահութեամբ, իմանալով հանդերձ,

որ այդ բանով հետաքրքրող չկայ՝ ոչ բարձր և ոչ էլ ցածր աստեաններում:

Հարիւրաւոր գործեր անցել ու գնացել են, որոնք ամփոփել են իրանց մէջ հիմնովին կեղծիքներ, և որովհետև դրանք դուրս են եկել խարդախ ձեռքից, կաշառքի ուժով անհետացել են անդարձ:

Արդարութիւնն ու ճշմարտութիւնը չէ, որ գործադրում է այդ և այդօրինակ հաստատութիւնների ու պաշտօնեաների շրջանում, այլ՝ կեղծիքն ու ստութիւնն և խարդախն ու խաբէութիւնն: Երանի թէ գործադրէին պետական օրէնքները, գուցէ մասամբ իւրեք գոհացուցիչ լինէին դրանք, սակայն ի՞նչ օրէնք, ի՞նչ իրաւունք, երբ բարձրից սկսած մինչև ստոր աստեանները, մեծից սկսած մինչև գիւղի յետին պաշտօնեան, օրինակ գգիւրը, գրագիրը բոլորը կամայական են, եսամոլ, ինքնուրոյն և հրամայող: Ահա այս վիճակի մէջ հարստահարում են ամենքն՝ ամեն տեղ, մանաւանդ տգէտ գիւղացիք, որոնց արդարութիւնը, միամտութիւնն և հաւատը շատերի համար դարձել է ձեռնտու միջոց՝ իրանց յետին ցանկութիւնները յաշոգութեամբ պսակելու:

Վարչական հաստատութիւնների այդ օրինակ կանցելեարիստներն ու չինովիկները՝ ծառայում են ոչ թէ ստանալիք ոռճիկներից հրապուրւած, այլ այն բոլոր տուգանքների, կաշառքների և փէշքաշոների խտրութակով, որոնցով հարստացել ու յղբացել են իրանց նախորդները: Դրանց նմաններից մէկն է և գիւղի գրագիրը: Նա բացի այն, որ տարեկան իր ոռճիկն է ստանում, այլ և կատարեալ իշխանի կեանք է անցկացնում, ուտում է ձրի, խմում է ձրի, անվերջ քէֆերի մէջ է ձրի և անթիւ կաշառքներ է ստանում ձրի, ահա գիւղի գրագրի, կանցելեարիստ գրագրի, վիճակը:

Սրանց համար է, որ ասում են թէ՛ «գրչով գըրում են, բըրչով ջնջում, աջով շինում են, ձախով քանդում»: Եւ իզո՛ր է ասած. օրհնւած սուր դանակի ծայրը՝ այնքան քնքռութեամբ գործ է կատարում նըրանց փորձւած աջ ձեռքի մէջ, որ դիտաւորեալ խուզարկութիւններն անգամ կըղժւարանան եղելութիւնը հաստատել: Ամեն տեսակ գործ, ինչ մտքով էլ որ ուղարկւած լինեն դէպի գիւղեր, նոյն իսկ եթէ իրանց մէջ պարունակում լինեն կարևոր հարկաւորութիւն, խիստ լրջութիւն, որի առաջ պատասխանատու են հէնց իրանք գիւղական պաշտօնեաները, դարձեալ նրանց ենթարկում են զանազան ուղղումների, եթէ այդ բանի համար նրանց ձեռքն է ընկնում մի կլոր գումար:

Եւ այդ ճանապարհով քանի մարդասպան է ազատւել բանտերից, ինչքան գողեր են մարսել իրանց յափըշտակութիւնը, ո՞րքան արդար ձայն է խլացել, քանի աղքատ ու անօգնական շինականներ են ոտքի տակ կորել ու լուութեամբ դատապարտւել:

Գիւղական պիտերների այդօրինակ պաշտօնավարութիւնը՝ յայտնի է իրանցից բարձր պաշտօնեաներին, սակայն, որովհետև առաջինները միշտ հաճոյական, ստորաքարչ և կեղծաւոր բնաւորութեամբ հպատակութիւն են ցոյց տալիս այդ բարձր պաշտօնեաներին, օրինակ՝ ոստիկանապետներին և ուրիշներին, ուստի միշտ մնում են իրանց տեղն և շատ անգամ նոյն իսկ աւելի բարձր պաշտօնի արժանանում:

Բացի այդ կանցելբարբիստ գրագիրներից, իւրաքանչիւր գիւղ ունի իր սեփական «եագըչիները», որոնք հազիւ հայերէն գրել-կարդալ են իմանում: Սրանք գիւղական թօվչիքարների աջ ձեռն են: Գիւղի վերաբերեալ յատուկ «խարջ ու բօրջի» կարգադրութիւնները կատարում են առաւելապէս սոցա նախաձեռնու-

թեամբ, որպէս գրի «սև ու սպիտակը» իմացող մարդկանց: Եւ ահա ամեն օր, մանաւանդ գիւղական տեսանի օրերին, սրանք աչքի են ընկնում ամեն տեղ: Ձեր առաջ կանգնած է խարդախ հայացքներով մի փափախաւոր, կոան տակն ունի մի հին, «ընջոտած դաւթար», ձեռքին ջարդած մի համրիչ, գոտիկից կախած է թանաքաման, գրչակոթն էլ կրած ունի «չուխի» մասրէքից մէկի մէջ և այդպէս՝ սրա ու նրա տանը մօտենալով՝ խրոխտ ձայնով դուրս է կանչում տանտիրոջն այս ինչ ու այն ինչ խարջն ու գէթմիշը վճարելու: Իրանք փողը ստանալուն պէս, գիւղացուն գոհացում տալու դիտաւորութեամբ՝ որպէս թէ ստացական են տալիս, սակայն Աստուած ստացական համարի՛ ոչ փողի քանակն է երևում, ոչ վճարողի ազգ ու անունը, ոչ ժամանակն ու թիւը և ոչ ստացողի ստորագրութիւնը: Շատ անգամ ստացականի փոխարէն տալիս են բոլորովին մի այլ գրութիւն, ի հարկէ յետին մտքով:

Եագըչիի քաջ գործունէութիւնը թագ ու պսակ է կազմում գիւղի քեօխվա-քէդխուղանների և թօվչիքարների շրջանում, և այդ սևահոգի գրողը՝ իւրաքանչիւր մարդու վրայ թողնում է սև-գրողի տպաւորութիւն:

VI

Չ Ի Ն Ո Վ Ն Ի Կ Ն Ե Ր

Տիւղերի անմիջական կառավարիչ պաշտօնեարեց (գլաւին, սուգէա, սբօրչչիկ, գրագիր...) յետոյ՝ ասպարէզ են գալիս այսպէս ասած՝ «չինոփիկ», կամ բարձր պաշտօնեաները այն է՝ պօլիցիականները:

Հարստահարւած գիրդացիութիւնը, հալալ աշխատանքի արդար մշակ գիւղացիութիւնը, թէ ինչ օր է

տեսնում այդ շրջանում՝ Աստուած ինքն ազատէ: Տեղական ցեղերից «արնաքամ եղած» անմեղ յանցաւորը, բրտնաթոր աշխատանքից ուժասպառ եղած բանւոր մշակը, գիտակցութիւն քարոզող գաղափարական գործիչը, մի խօսքով բոլորը՝ ով ընկնում է յիշեալ մարդկանց ձեռքը՝ նոյն իսկ ամենահասարակ գործով, եթէ փրկանք չէ տալիս՝ ենթարկւում է ծեծի, տանջանքների, կապանքների մինչև իսկ բանտի:

Այդ մարդիք գիւղերն են մտնում ի պաշտօնէ քննելու և հսկելու տեղական պաշտօնեաների գործերը, լսելու ժողովրդի ձայնը, դժգոհների բողոքը, կարիք ունեցողների խնդիրը, սակայն «յօնքը շինելու տեղ աչքն են քօռացնում»—փոխանակ այդ ամենի, միանում են տեղական իշխանաւորների հետ և մատնացոյց արւած մարդուն «էն օրն» են ձգում, որ «բէհեսար» կանի նա ու էլ «մէյգան» չի դուրս գայ իր լաւ ու վատի մասին խօսելու և իր կարիքները պահանջելու:

Շատ հազիւ է պատահում, կամ աւելի ճիշտն ասած, երբէք չի պատահում մեր կողմերում, որ իսկական յանցանքագործը պատժւի և արդարն ազատւի: «Նահախ» այդ դատապարտւածն՝ արդար մեղապարտը, երբ մանաւանդ նա չունենոր և քեասիբ է, և չէ կարողանում «մեծաւորներից» պահանջւած կաշառքն ու փրկանքը տալ՝ ենթարկւում է պատժի և ընդհակառակը նա՝ ով նոյն իսկ մի քանի անգամ «բռնւել» է և տեղացի մեծ ու փոքրի կողմից ճանաչւում է որպէս «դող, աւազակ, մարդասպան և հասարակութեան համար միանգամայն անպէտք և փասակաբ անդամ», նա շնորհիւ «ինձ տուր, քեզ տամ»-ի շնորհիւ անյազ և աչքածակ պալիցիականների ձեռնարկած միջոցներին, մնում է ազատ, կամ շատ-շատ ենթարկւում է աշխարհատուգանքի և անյայտ, կամ ծածկաբար տալիքի մի

մասը՝ տալիս է յայտնապէս և ազատւում է մեղադրւած գործից:

Իժբախտութիւնը կայանում է մանաւանդ նրանում, որ Դազախը շրջող այդ օրինակ բարձրաստիճան պաշտօնեաների մեծագոյն մասը լինում է օտարազգի: Հարց ու պատասխանի ժամանակ՝ ոչ գիւղացին է կարողանում ազատ և ճիշտ բացատրել նրանց առաջ և ոչ նոյնիսկ նրանք կարողանում են դործի իսկական եղելութիւնն իմանալ: Ամեն անգամ երկու կողմերի մտքերը միմիանց հաղորդելու համար՝ գործի մէջ է մտնում թարգմանն, որ տեղական լեզուով կոչւում է «գիլլանդ»: Եւ նայած թէ այդ միջնորդն որի կողմն է թեքւած, կամ որի առաջարկութեամբ և ինչ գործի պատճառով է ասպարէզ մտել «էն ու գորա» էլ նա իր թարգմանութիւնն է անում: Այդպիսի դէպքերում թարգմանի դեր յաճախ կատարում են սելսկիյ պիսերները, որոնց վարք ու բարքի և ցոյց տւած արարմունքների հետ մենք ծանօթացրիք ընթերցողին, այնպէս որ ինքնըստիներեան պարզ ու հասկանալի է, թէ այդ թարգման-պիսերները ինչ ուղղութիւն կտան իրանց ստանձնած գործերին:

Առաջներում՝ այդ բարձրաստիճան չինոփսիկների մէջ՝ մարդկութիւն, խղճի ձայն, ազնուութեան նշոյլ և արդարագատութեան մի փոքրիկ նմուշ անգամ չէր երևում և ոչ մի քայլում: Մանձարձակ պաշտօնը միացած մարդկային ազանութեան հետ՝ զազան էր դարձրել և՛ ուստին և՛ վրացուն, և՛ թուրքին, և՛ հային և հէնց բոլոր ազգութեան պատկանող այն անհատին, որը մտնում էր գաւառական ոստիկանական մի որևէ պաշտօնի մէջ:

Պոլիցիական պրիստաներն, իրանց օգնականներով և ստորագրեալներով, «եսասուլ»-ներով և «վասդնիկ»-

ներով տասնեակ և հարիւրեակ զիւղերին այն աստի-
ճան ճնշումի և երկիւղի մէջ են պահել, այնչափ ժա-
մանակ-անժամանակ դատի և քննութեան են կանչել,
որ «տեղից վեր կացող» ամեն մի շինական, այլ ևս
առանց քաշելու և բացարձակապէս ճշում ու աղաղա-
կում է թէ զրանք բոլորը ոչ թէ գեղերի երդեալ
օրինապահներն են ու կտավարիչներն, այլ երդեալ
օտարները:

Ստորագրեալեասաուլներն ու վսաղնիկներն, երբ
մտնում են մի որևիցէ գիւղ՝ ոչ միայն նիւթական ա-
հագին վնասների և ծախսերի տակ են ձգում բնակիչ-
ներին, այլ և շատ անգամ, բռնի ուժով, անվայել-
չութեան և հազար ու մի տեսակ տմարդի քայլեր
են անում, որով արատաւորելով շինականի սուրբ
օջախը՝ նրա անդամներին հոգեկան անկման են մօ-
տեցնում և նրա առաքինութիւնը քայքայում:

Հարբեցողութիւնը չինօֆսիկներից շատերի Աս-
տուածն է: Մանաւանդ ստորագրեալներից շատերը՝ օր
ու զիշեր, գիւղից-գիւղ ընկած՝ ուտում, խմում, հար-
բում են և այդպիսով աւերում են մէկի և միւսի տու-
նը և ապա կեղծ ու պատիր, սուտ ու սխալ կարգադ-
րութիւններ ու որոշումներ, հրամաններ ու պարտա-
կանութիւններ անելով այսինչ մարդու, կամ գիւղի
անունով, թողնում են ու հեռանում:

Չինօֆսիկների շրջանում՝ մեծ դեր են խաղում
նաև լէսնիչներն, օգնականներով ու օրէլչիկներով, և ակ-
ցիկներն, որոնց գործունէութեան հետ մանրամասնաբար
պէտք է ծանօթանալ զիւղերում:

Եւ գիւղն ու գիւղացին՝ սկզբից ի վեր կեղեքած
է վերոյիշեալ բոլոր ցեցերի ձեռքին անտէրութիւնից...

Այժմ անցնենք գիւղական ցեցերի միւս՝ ոչ պաշ-
տօնական դասակարգին:

«Ազգային գրադարան



NL0397720

ԻՄ ԱՇԽԱՏԱՍԻՐՈՒԹԵԱՄԲ ԵՒ ՀՐԱՏԱՐԱԿՈՒԹԵԱՄԲ

Լ Ո Յ Ս Ե Ն Տ Ե Ս Ե Լ

1. «Մանկական Ալբոմ», փունջ տասջին. 20 կ.
2. «Փահլեան արաղաղը». 6 »
3. «Այծարած Ղազոն». 6 »
4. «Չալօի էշը», (սակաւաթիւ). 3 »
5. «Գուլթանի մատաղը». 5 »
6. «Գիւղական ցեցեր», Ա. մաս. 10 »

Պ Ա Տ Ր Ա Ս Ե Ն Տ Պ Ա Գ Ր ՈՒ Թ Ե Ա Ն

Ա.

Բ.

Մ Ա Ն ՈՒ Կ Ն Ե Ր Ի Ե Ի Չ Ա Փ Ա Հ Ա Ս Ն Ե Ր Ի
Հ Ա Մ Ա Ր

- | | |
|--------------------|--|
| 1. Բրգտաը. | 5. Գաղափարի հերոսը. |
| 2. Հունձ ու փունջ. | 6. Երեքը մի գրոշ, պիկի
2 գործ. |
| 3. Պապիս ձին. | 7. Բեմի քարոպիչը, (Թիֆլիսի
հայ քահ. կեանքից). |
| 4. Ոտանաւորներ. | 8. Արցունքի աղբիւր. (տա. |

Գինն է՝ 10 կոփ.

Ծախում է Թիֆլիսի և գաւառների բոլոր յայտ
նի գրավաճառների մօտ: